



## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. III. An potestas eligendi aliis quoque Clericis, qui è Collegio non sunt, vel etiam Laicis competere possit, vel iis, qui solùm sunt in possessione juris eligendi?

---

[urn:nbn:de:hbz:466:1-61641](#)

ant, cùm ipsi Prælaturam Episcopalem v. g. non habeant, sed ex potestate officii, à communijure vel à Pontifice concessi.

Intelligitur autem Capituli, aut Collegii nomine, non quævis Clericorum uni Ecclesiæ adstrictorum collectio seu communitas, sed qui nomine Canonico-rum seu Capitularium veniunt, qui unum quasi corpus constituant, cuius caput ipse Prælatus est, & communi sigillo utin-  
tur, atque unum communem Syndicum, ac procuratorem constituere possunt c. dilecta 14. junij. Gloss. V. nec sunt unum corpus de Excess. Prælat. &c. l. i. §. 1. FF. quod quisque univers. nom. & quamvis ad constituendum primò collegium tres persona ad minimum requirantur, L. Neratius 85. FF. de V. S. cùm præter Capitulum (quod pluralitatem dicit) à Rectore distinctum debeat, vel actu, vel potestate saltem, habere Rectorem, potest tamen semel constitutum colle-  
gium, ejusque jura in duobus, imò etiam in uno conservari juxta Gloss. in cit. e. i. V. duo h. t. cùm plus ordinarii re-  
quiratur ad generationem, quād ad conseruationem. Neque tamen omnes etiam qui sunt de Collegio Ecclesiæ aliqui-jus collegiatæ, aut Cathedralis, habent jus eligendi Episcopum, seu Prælatum talis Ecclesiæ, sed illi tantum, qui in SS. Ordinibus (Subdiaconatus saltem) consti-tuti sunt (juxta Concil. Trident. Ses. 22, c. 4. de reform.) saltem tempore elec-tionis, & quamvis talem in Sacris non constitutum expectare ceteri non debeant, licet prius quād electio fiat, ordina-ti vellet, si tamen Canonicotum v. g. nullus, quando sedis vacatio contingit,

in Sacris constitutus esset, & consequen-tet penes nullum tum esset jus proximum eligendi, prius tamen, quād ad superio-rem provisio talis Ecclesia devolveretur, exspectare hic deberet usque ad termi-num electioni concessum elapsum; ut si intra hoc tempus aliqui ordinarii in ma-joribus vellent, jus eligendi illis non im-pediretur.

## S. III.

*An potestas eligendi aliis quoque Clericis, qui è Collegio non sunt, veletiam Laicis competere possit, vel ius, qui solū sunt in possessione juris eligendi?*

**R**esp. 1. Posse competere jus eligen-di etiam extraneis Clericis, qui è Collegio seu Capitulo non sunt, non tan-tum vi privilegii, prout sumitur ex c. cùm dilectus 8. de Confuet. neque tantum vi le-gitimæ per 40. annos præscriptæ con-suetudinib. Camana 50. b. t. juncta Gloss. V. Confuet. sed pacto etiam seu vo-luntate eorum, ad quos jus eligendi spe-ctat, ita tamen, ut si in extraneam per-sonam, vel dignitatem, à Capitularibus perpetuè transferatur, superioris consen-sus cum aliis solemnitatibus, ad alienan-dum res Ecclesia requisitis, accedere de-beant, cùm talis in extraneum translatio species quādam alienationis sit; & omnes Capitulares in hoc consentire debeant, cùm quid singulis præjudicat, a singulis fit approbandum.

**R**esp. 2. Laicis nec per pactum, nec ullo alio modo à Capitularibus communi-carri potest jus eligendi Prælatos Ecclesiasticos, c. sacro sancta 51. b. t. cùm spi-ritualia negotia tractare non debeant Laicis

cf

cic. c. 2. de iudicio. & quod in e. nobis 25.  
de jure Paro. conceditur, ut facta jam  
electione consensus Patroni requiratur,  
non tam de obligatione necessaria, sed de  
honestate intelligi debeat, ne jura vide-  
antur juribus contradicere; vel certe de  
Patrono Ecclesiastico textus ille intelligi  
debet, aut de consilio tantum petendo,  
quo posito libera adhuc penes Capitulum  
erit electio; nisi aliter de sua jurisdicione  
(per privilegium v. g. à Summo Pon-  
tifice obtentum) doceat Patronus.

*Reff. 3.* Nec per ullam consuetudinem, quamvis immemorialis illa sit, pos-  
sunt Laici, etiam Patroni, seculares jus  
eligendi Prælatum Ecclesiasticum acqui-  
tere, sive soli, sive cum Canoniciis elige-  
re præsumant e. *Messana* 56. b. t. (cùm  
corruptela potius, quam consuetudo, ut  
Pontifex ait, dicenda sit, contraria  
præsumptio independenter à Ponti-  
ficio privilegio attentata) nec valeat elec-  
tio cum talibus Laicis coëligentibus  
facta, si Clerici scienter & voluntariè  
ad coëligendum admiserunt Laicos,  
cùm actus individuus, qualis est elec-  
tio, nullus sit, si vel unus inhabilis scienter &  
voluntariè admittatur ad actum tales  
constituendum, & in his individuis utile  
per inutile vitetur, quòd si tamen Laici  
coëligant quidem cum Clericis, admissi  
ad coëligendum vel per ignorantiam, vel  
quia prohiberi non poterant, vel quia  
gravi metu ad tales admittendos coacti  
fuerunt, valde probabile est electionem  
valere, ex solis Clericorum suffragiis, re-  
jectis Laicorum, tanquam incapacium,  
præsertim, si contra Laicorum suffragia  
protestati sunt Clerici, cùm constitutio  
invalidans electionem coëligentibus et-  
iam Laicis, valde probabilitate, non tan-

tum in odium Laicorum, sed Clerico-  
rum etiam culpabiliter Laicos admitten-  
tum facta sit: neque à presentatione  
Laicis competente, si adificaverint, do-  
taverint, vel fundaverint Ecclesiam Pa-  
rochiale, ad Electionem in Ecclesiis  
Collegiatis ducenda est paritas, quamvis  
ex uno relato capite talis Ecclesiæ Patro-  
ni sint, cùm per presentationem à pre-  
sentato admissam, nullum jus spirituale  
acquiratur presentato, sicuti per elec-  
tionem admissam ab electo, facilius proinde  
presentatio quam electio Laicis concen-  
ditur.

*Reff. 4.* Jus eligendi etiam illis com-  
petit, qui tantum sunt in hojus juris pos-  
sessione, cum bonâ fide, si de possessio-  
ne tali constet, modò ante electionem  
factam nulla lis super hoc jure illis mota  
fuerit, qua fuerit etiam contestata, ita ut  
non tantum votum hujus præ alio, penes  
quem post modum proprietas hujus juris  
fuisse electionis tempore deprehenditur,  
valeat, sed electio etiam ex hoc capite  
postmodum nunquam impugnari possit  
e. cùm olim 7. juncta Glos. V. duobus de  
caus. posse. & propriet. & e. querelam  
24. juncta Glos. V. super jure b. t. cùm  
bonæ fidei possessor fructus percipere  
possit (quos inter est jus eligendi) quan-  
diu lis cuia illo contestata non fuit super  
rei proprietate.

## §. IV.

*An sicut electio Episcopi, ita etiam  
electio, sive instituto Canonicorum in  
Ecclesiis Cathedralibus pertineat ad  
Capitulum.*

*R*esp. Spectato iure Canonicorum  
electio, sive potius collatio Cano-  
nicatum in Ecclesiis Cathedralibus vel  
ad